



UNIVERSITÄTS-
BIBLIOTHEK
PADERBORN

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Dominica XX. Post Trinitat. Evangelivm Matt. XXII. Cap.

[urn:nbn:de:hbz:466:1-69317](https://nbn-resolving.org/urn:nbn:de:hbz:466:1-69317)

EVANGELIA

A quo tanta hominum generi concessa potestas,

DOMINICA XX. POST TRINITAT.

EVANGELIUM MATT. XXII. CAP.

ARGUMENTVM.

Vxorem nato Rex copulat, emanet hospes,
Eijciturq; foras, cui mala uestis erat.



Cum Phariseorum turba iam dicta locutus
Plurima Christ^o erat, cōiucia facta resellens
Nec tamen infidos animo conuertere posset,
Rursus ab exemplo simili sic coepit ad illos:
Persimile est Regi Regnum caeleste potenti,
Qui thalami nato festum geniale parabat,
Emittensq; suos tota regione ministros,
Iussit coniuuas ad gaudia tanta uocari.
Expediunt illi celeres mandata, sed omnis
Turba recusauit Regi parere uocanti.

Hi

DOMINICALIA.

Hi redeunt infecta domum mandata ferentes.
Offendit Dominum plebes ingrata: sed ille
Protinus ablegans alios sic dicere iussit:
Ecce parata mea sunt uobis prandia mense.
Maetauiq; greges ouium, pinguesq; iuencos,
Quidquid & altitium fuerat, sunt omnia prompta.
Approperate igitur, nec uos mora longa retardet
Tam lautis epulis ut guttura uestra fruantur.
Ista ferunt serui populos mandata per omnes
Hi quoq; neglecta Regis bonitate uocantis
Posthabuere suis scelicia gaudia curis
Quisq; suas uillis, sua commoda quisq; secutus.
Ast alij seruos domini cepere, malisq;
Vexauere modis miseros, mortiq; dedere
Pessima reddentes benefactis premia tantis.
Hec ubi facta pij uenerunt Regis ad aures,
Protinus exarsit iustam commotus ad iram.
Nec mora militibus lectis, belloq; parato
Ignibus & ferro sceleratos perdidit hostes,
Aequauitq; solo uersam cum mœnibus urbem:
Quas meruit pœnas ita gens ingrata recepit.
Talibus exactis seruos sic fatur ad ipsos:
Cuncta parata quidem fuerant, sed credite dignus
Qui mea gustaret conuiuia, non fuit hospes.

RETTULIA

E V A N G E L I A

Rettulit hinc poenas merito qui munera spreuit,
 Ne sint uana tamen regalis fercula mensæ,
 Ite mihi celeres per compita cuncta ministri,
 Et quoscunq; loco passim inuenietis in ullo,
 Colligite, ad nostras epulasq; uenire iubete.
 Protinus egressi famuli per strata uiarum,
 Quoscunq; inueniunt homines, prauosq; bonosq;
 Accumulant, cunctosq; ad regia limina ducunt.
 Feruet iter, stridentq; gradus uenientibus aule,
 Illos porticibus Rex accipiebat in amplis,
 Atq; saluatos secum in penetralia ducit.
 Discubuere thoris regali more paratis,
 Fercula delicijs uarijs digesta feruntur.
 Iamq; uidendus erat mensarum maximus ordo,
 Turba frequēs hominum quibus sedebat,
 Regales epulas & dulcia pocula carpent.
 Tum Rex ingreditur mediam sublimis in aulam,
 Ut uideat populos ad gaudia tanta uocatos.
 Assurgunt omnes uenienti, & tempora nudant.
 Illi leta piam pertentant gaudia mentem.
 Utq; oculos tota placidè circumtulit aula,
 Fortè ibi conspexit quendam, cui corpora circum
 Sordida uestis erat, festoq; indigna iugali.
 Illum terrificis compellans uocibus, inquit:

DOMINICALIA.

Dic age, cur nostrum subiisti limen amice,
Tam non læticia digno uestitus amictus
Vnde hæc tanta tuam subiit fiducia mentem?
Ille nihil contrà potuit proferre loquendo,
Sed tamen exanimi pallens obmutuit ore.
Continuò fidis Rex dat mandata ministris:
Mittite correptum manibus pedibusq; ligatis
Extremas procul in tenebras, ubi fletus & ingens
Stridor erit, nimiumq; graues sine fine dolores,
Sordidus haud etenim regali est dignus honore,
Sed cum ueste sua Stygiam descendit in aulam.
Nam quamuis multi sunt ad bona uera uocati,
Attamen electos lux arguet ultima paucos.
Fœlix in numero quisquis censebitur isto.

DOMINICA XXI. POST TRINITAT.
EVANGELIUM IOAN. III. CAP.

ARGUMENTVM.

Regulus infirmæ fidei te Cbriste precatur,
Auxilium nato, sed citò, ferre uelis.

Regulus imperium Galilææ in parte tenebat
Nobilitate potens, & fortibus acer in armis,
Febre laborabat cui filius urbe Capernâum
Decumbens, magnoq; trahens discrimine uitam.
Hic ubi uicinas Christum cognouit in oras

L Aduenisse